

Regional News Unit AIR Aizawl
Tuesday, April 29, 2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

- National Commission for Scheduled Tribes member ten an Chairman Pu Antar Singh Arya hovin Mizoram an rawn tlawh mek
- Lunglei MZP Headquarters huaihawta Aizawl-Thenzawl-Lunglei kawngpui dan chhunzawm a ni.
- President Droupadi Murmu-i chuan nimin khan ramchhunga civil mite chawimawina sang Padma Award 71 a sem
- National Investigation Agency (NIA) court chuan 26/11 firfiakte chetna ruahmantu bera puh Tahawwur Rana chu ni 12 dang hren chhunzawm turin a rel.

<><><>

NCST

National Commission for Scheduled Tribes member ten an Chairman Pu Antar Singh Arya hovin Mizoram an rawn tlawh mek a,

Member lo kal te hi Pu Nirupam Chakma, Dr. Asha Lakra leh Pu Jatothu Hussain te an ni a, nimin khan Aizawlah Mizorama Tlawmngai pawl hrang hrang hruaitu te an kawm a ni.

Naktip khian Mizoram State chhunga Scheduled Tribe te hmathamna tur leh chawikanna tura Sawrkar laipui atanga Scheme hrang hrang te State chhunga kalpui a ni em tih leh a hmanna tur dik taka hman a ni em tih State Level Review meeting neih a ni dawn a. Review meeting meeting neih hmain, tlawmngai pawl hrang hrang te atangin an thil hmuh dan leh ngaihnan te bakah thurawn an neih ang ang te hriat an duh avanga he meeting hi koh a ni, tih an inkawmnaah hian sawi a ni.

National Commission for Schedule Tribes hian khua a that chuan vawiin hian Kamalanagar leh Siaha te an tlawh dawn a ni.

<><><>

HEALTH MINISTER

Health Minister Pi Lalrinpuii ho-in Mizoram Health Department official ten Thailand Health System kalphung an zirchiang

Health Minister Pi Lalrinpuii ho-leh Mizoram Health Department Officials te chuan nimin khan Ni 5 chhung awh tur Thailand Health System Learning visit chu Centura Life Convention Centre, Thailand-ah hun an hmang.

Mizoram atanga kal te chu Thailand - National Health Security Office in lo mikhual in, Ni 5 chhung chu Thailand ram Health security te leh public health care system chungchang te an zirchian dawn bakah Public Hospital te, Primary Health Centre te a hmunah ah tlawh dawn bawk a ni.

Khawvel ram 50 chuanguin an lo zirchian tawh Thailand Health System chu Mizoram Health Official te pawhin Kum 2019 khan zirchianna hmasa an lo nei tawh a, tunah hian Mipui Health care buaipuitute leh Health Department Officials hrang hrang ten chik zawkah zirchianna an nei leh dawn a, Thailand experience leh Mipui Health care kalpui mek chungchang khaikhin a, a tul dan a zira an kaldan tha te lakchhawn theih beisei a he programme hi buatsaih a ni.

He learning visit hi Mizoram State Health System Strengthening Project hnuaia tihtur hmachhawp pakhat a ni a, kum 2021 atanga he programme hi ruahman tawh niin, harsatna hrang hrang karah tunah hian a lo hlawhtling thei ta a, a senso pawh MHSSP hian a sponsor vek a ni.

<><><>

MBSE 10 RESULT

Mizoram Board of School Education chuan HSLC Result chu waviin hian a tichhuak dawn.

MBSE chuan kar hmasa khan hriattirna tichhuakin, kum 2025 HSLC Examination result chu waviin chhun dar 12 ah tihchhuah tum a ni a ti a, Result hi MBSE Office Chaltlangah leh website –www.mbse.edu.in leh www.mbseonline.com–ah te en theih a nih dawn bakah a mamawh tan result bu lei theihin a awm dawn tih mipuite a hriattir a ni.

<><><>

ATL ROAD STIR

Aizawl-Thenzawl-Lunglei ATL Road siamna sum dah phut-a lungawilohna lantir mek Lunglei MZP chuan Sorkar in duhthlan tur thil chi hnih a pek chu invaunaah ngaiin Kawng dan chhunzawm zel nise an ti.

MZP te hian nimin khan Health Minister Pi Lalrinpuii, CM Adviser Pu Lalmuanpuia Punte leh Pu V.Malsawmtluanga ten nen an biak thu sawiin an thu thlen ah lungawina an hmu lo tih an sawi a, Sorkar in duhthlan tur a pek chu CRRI ten project an siam hunah cheng vbc 44.89 aia tam pawh an pe thei a, a daih bak erawh chu sawi theih anih loh thu an sawi a, a pahnih naah cheng vbc 44.89 chu a pek theih a, mahse CRRI te project a siam tir theih lovang tiin duh an thlang tur a ni an ti a.

MZP chuan an resolution ang in pawisa pawhpen dah let leh chu an thil phut a nih thu leh CRRI ten project an siamah an ngaih a ngam lo tih an sawi. Invauna awka ah an ngai tih sawiin kawngpui an dan chhunzawm dawn an ti a ni..

Puan tawh angin, Lunglei MZP Headquarters huaihawtin nimin zing dar 7 atang khan Aizawl atanga Lunglei kalna kawngpui Pukpui daiah dan a ni a. MZP leh a thlawptute hian Pukpui-ah lirthei lut leh chhuak tur an dang a.

MZP te hian ATL Road siamna tur cheng vbc 90 leh nuai 69 chu ATL Road siam na’n hman vek an duh lain cheng Vbc 45 leh nuai 60 chauh dah a Mausen leh Pukpui inkar kawngpui kilometre 14 chin chauh siam na’n Sorkar in a dah chu an hriatthiam loh thu an sawi a, MZP te hmalakna hi Lunglei mipui tam takin thlawpin Maxi-Cab Service pawhin an thlawpna lantir nan an service lo a ni.

<><><>

WEATHER

Fur ruahtui tla hmasa in, chhiatna hrang hrang a thlen theih avangin mipuite fimkhur turin Aizawl Meteorological Centre chuan a sawi a.
Aizawl Meteorological Centre Director Pu Sudheer Kumar Dwivedi-a chuan Mizoram pumah ruah a sur thei reng a, darkar khata km 30 atanga 40 a chak thlipui a kentel avangin, khawlai leh ram palailenga vakchhuak te thingkung hnuaiah tawmhulna zawng lo turin a chah a, mitinte fimkhur theuh turin a chah a ni.

Pu Sudheer Kumar Dwivedi-a chuan June ni 1 atang hian furpui tak tak chu a intan thin anga ngaih a nih thu a sawi a ni.

<><><>

ALEX DIED

All India Radio B Grade Artist Alex Lalchhuankima, zaithiam leh Mizo filmstar chu tukin dar 3.15 khan a thi a, kum 37 mi a ni.
Alex Lalchhuankima hi cancer natna in a tlakbuak avangin hun engemawchen damdawiinah leh In lamah enkawl a ni a, vawiin chawhnu dar 1 ah an chenna Tanhrilah vui a ni ang,

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.
Vawiin chawhnu dar 2 leh a chanve-ah Chanchinthar puan leh a ni ang.

<><><>

PADMA AWARD

President Droupadi Murmu-i chuan nimin khan ramchhunga civil mite chawimawina sang Padma Award 71 a sem. Rashtrapati Bhavan-a Inkhawm buatsaihah President hian Padma Vibhushan pali, Padma Bhushan 10 leh Padma Shri 57 a sem a. Chawimawina sang ber Padma Vibhushan hi damdawi lama mi chhuanawm D Nageshwar Reddy leh art lama mi ril Dr.Lakshminarayana Subramaniam te hnenah hlan a ni a. M T Vasudevan leh Osamu Suzuki te chu an thih hnua Padma Vibhushan hlan an ni bakw. Padma Bhushan dawngtu zingah hian Nandamuri Balakrishna, Shekhar Kapur, Indian Hockey team captain hlui Sreejesh P R, Bihar deputy Chief Minister hlui Sushil Kumar Modi te an tel a.

Padma Shri dawngtu langsar zingah Cricketer Ravichandran Ashwin, SBI Chairman hlui Arundhati Bhattacharya, Stephen Knapp leh Ronu Majumdar te an tel a ni. Padma award hlanna inkhawmah hian Vice President Jagdeep Dhankhar, Prime Minister Narendra Modi, Union Ministers Amit Shah leh mi pawimawh tak takte an tel a ni.

Akashvani-in a kawmnaah Padma Sri dawngtu SBI chairman hlui Arundhati bhattacharya chuan chawimawina a dawng chu a lawm thu sawiin Jandhan scheme-a a tha thawh ve avanga dawng anih thu a sawi.

Crantic Vocalist Dr.K Omankutty Amma pawhin Padma Shri a dawng chu lawmawm tih thu sawiin All India Radio -a a thawh thin laite sawichhuakin AIR in art lama a zinkawngah hmun pawimawh tak a luah thu a sawi a ni.

<><><>

NIA

National Investigation Agency (NIA) court chuan 26/11 firfiakte chetna ruahmantu bera puh Tahawwur Rana chu ni 12 dang hren chhunzawm turin a rel. NIA te hian ni 18 chhung an kawl theih hun a tawp hnuah court ah hian ni 12 dang pawtsei turin ngenna an thehlut a ni. Puan tawh angin Tahawwur Rana hi tunhnai khan United States kut atanga laklet a ni a. Nimin khan NIA court hmaah a inlan a ni..

<><><>

MAOIST

Chhatisgarh-ah Maoists hel 24 sawrkar kutah an inpe. Thudawn danin nimin khan Bijapur district-ah heng Maoist helte hian nunphung pangngai zawm turin sawrkar kutah an inpe a. An zinga mi 14 te hian lu man cheng nuai 28 leh singnga an nei mek a. Central Reserve Police Force leh District Police senior officer ten hel inpe te hi an lo dawngsawng a. Sawrkarin an indintharna tur scheme a siam hmangin cheng sing 5 theuh pek an ni. Kuminah hian Bijapur district atangin Maoists hel mi 200 chuang sawrkar kutah an inpe tawh a ni..

<><><>